



Шочмо эл, порылык да чын верч!

Будь готов!

31-ше (3575) №,
2022 ий 5 август,
кугарня.



Ямде лий

1933 ий 1 февраль годсек лектеш.

0+

Пакчаште – «изи ер»



фотом еш архив гыч. налме.

2022 ийын кокымшо пелийжылан «Ямде лий» газетлан возалтше-влак коклаште эртаралтше лотерей модышышто сенгыше-шамычым ойыренна. Тўн пөлек, бассейн, озажым муын. Тудым Шернур район Эгермучаш ял гыч З.В.Пекпулатова модын налын.

– Газетым школышто тунеммем годымак налаш тўналынам. Почтальонлан ятыр ий тыршенам. Тунам газетлан утларак шўмангынам. Кызыт уныкам-влак «Ямде лийым» куанен лудыт. Бассейным тений налаш шоненна ыле. Лотерей модыш шонымашнам шуктыш, – ойла Зоя Васильевна.

Уныкаже Вика Пекпулатова кузе йывыртен?! Бассейн гыч лекмыжат огеш шу. Йолташыже-влак Ксюша Чемышева ден Глеб Милютиным уналыкеш ўжын (снимкыште). Удыр-рвезе-шамычлан шокшо игечыште «изи ерыште» ияш – кугу пиал.

Х.АЛЕКСАНДРОВА.

ПОДПИСКЕ

«Ямде лий» газетлан кажне тылзын 15-ше числа марте верласе связь отделенийште, podpiska.pochta.ru сайтыште возалташ лиш.

Индекс – П4696.



Рекламе.



Спорт
модмашке
Российын
46 регионжо да
Беларусь Респуб-
лик гыч 1200
наре спортсмен
чумырген.

Сеңымаш дене пӧртылыныт

26-30 июльышто Омск олаште Всероссийский ялысе кенежымсе спорт модмаш эртаралтын. 250 тӱжем наре калыкан регион-влак кокласе тӱшкаште Марий Элын чапшымы Медведево, Кужэнер,

Советский да Килемар районла гыч спортсмен-влак араленыт. Йоча ден кугыеншамыч волейбол, мини-лапта, ӱстембал теннис дене модыныт, канатым шупшыныт. Еш денат тагасеныт. Иктешлыман куандарыше. Команде дене икымше верыш лектыныт.

Е.ИВАНОВА ямдылен.

1714 ий 9 августышто *Гангут мыс (Финляндий) воктене Пётр I кугыжан вуйлатыме руш флот швед-влакым сенен. Тиде историйыште руш флотын икымше кугу сеңымашыже лийын. Тылеч вара Балтий теңызыште тудо озаланен. Ты кредалмашым шарнен, 9 августышто Российыште Воинский чап кече палемдалтеш.*

Историйым шергалына

Шонымашем шукталте

Ме Элнет энгер воктене илена. Кажне шонымашем вӱд дене ийын вольшо-влакым эскерена. Нуным ончен, изана «кенежым меат пуш дене ияш каена» манын ӱшандарыш. Ойжым шуктыш. Энэрыште йӧрлӧ пушенге ятыр ыле. Ийме годым тӱткӧ лияш перныш. Южо вере вӱд начарынак йога, садлан пуш-кольмо дене вийым чаманыде куышна (снимкыште).



Фотом еш
архив гыч
налме.

куандарыш. Канашат шогална, йӱштылашат пурышна. Пӱртӱсым ончен шерна ыш тем. Но йышна гынат, пеш йывыртыше пӧртылна. Шонымашем шукталте.

Марина СТЕПАНОВА.
Волжский,
Ушпер.

Российысе увер

Ӱдыр-рвезе-влак, те усталык шӱлышан улыда? Мурета, куштеда, почеламутым сылнын лудыда? Тугеже «Твой успех» тӱнямбал конкурс – тыланда. Тӱрыс уверым konkursoff.ru сайтыште ончыза.

«Лӱдыкшыдымӧ корно» всероссийский конкурс-ыш йочасадыш коштшо нӧга-влакым да школышто тунемше-шамычым ушнаш ӱжыт. Корнысо правил нерген сӱретым, плакатым сӱретлыза але поделкым ыштыза. Пашам **28 декабрь марте** колтыза. Тӱрыс увер – seraya-caplya.ru сайтыште.

Российысе спорт министерстве «**Спортивный стартап**» конкурсым увертарен. Кумылан-влаклан йодмашым **10 сентябрь марте** колтыман. Келшыше тагасым ойырен, проектым возыман.

Марий Элысе увер

Йошкар-Оласе Турист да увер рӱдерын пашаенже-влак **рӱдоласе памятниклашке QR-кодым пижыктеныт**. Телефонныска сканерым тушко лишемдаш гын, нунын нерген кумданрак лудаш лиеш.

Т.Евсеев лӱмеш национальный тоштер «**Экологий – Лӱдыкшыдымылык – Илыш**» тӱнямбал фестиваль-фотоконкурсым иктешлен. Тушко элнан тӱрлӧ регионжо гыч ушненыт. Волжск ола гыч **Давид Тимофеев «Юный фотонаaturalist»** тагасыште **кокимшо верым** сенен налын.

Э.Сапаев лӱмеш Марий кугыжаныш опер да балет академический театрын артистше-влак «**Акпатыр**» оперым кава йымалне визымше гана ончыктат. Тудо **13 августышто** Килемар районныска «Раздолье» турист комплексыште лиеш.

8 август –
Офтальмологийын
тўнямбал
кечыже.

Шинчам кузе аралыман?

Тачысе кечын йоча-влак тўрлө технике дене пенгыде кылым кучат. Телефон, компьютер ончылно яра жапым эртарат. Сандене, очыни, шинчалыкым чийыше йоча-влак ийгыч ийыш ешаралтыт. Шинчам аралыме, кандарыме шотышто да моло йодышым рашемдаш манын, Медведево посёлкысо рўдө эмлымверыште офтальмологлан пашам ыштыше М.С.Кириллова (снимкыште) дене мутланенна.



Фотом еш архив гыч налме.

– Марина Сергеевна, кешырым, модым шуко кочкат – сайын ужаш тўналат, маньт. Тиде чын мо?

– Модышто, кешырыште да моло пакчасаскаште витамин шуко. Но нуно

шинчам огыт пўсемде. Емыж, пакчасаска деч посна тўрлө колым, торыкым кочман. Кажне кочкыш могай-гынат витаминлан поян. Мутлан, А витамин шинчалан эн кўлешан. Тудо шинчачорам пенгыдемда. С витамин шинчам кислород дене тема. Лютеин шинчавам, шинчагўм пенгыдемда.

– Кенезым шинчам кандараш, вяндаш могай упражненийым темледа?

– Гаджет дене пайдаланыме деч вара шинчалан за-

рядкым ыштыман. Тидлан гимнастике уло. Торашке ончыман, вара – лишке, кўшкө-ўлыкө, шолашке-пурлашке. Кум-вич секундлан шинчам тазан кумыман да почман. Лу-латвич секунд шинчам пыч-пыч ыштыман. Ик-кок секунд канымеке, эше писынак почын петырыман. Зарядкым кажне кечын ышташ лиш.

– Школьш каяш вашке жап шуэш. Начар ужшо йоча мынярымше парт коклаште шинчышаш?

– Чын ойырымо шинчалык дене йоча кумшо-нылымше парт коклаште шинчен кертеш. Южо икшыве очким, линзым чиен ок керт. Але шинчалык денат черлан көра начарын ужеш гын, икымше парт коклаш шындыман.

Е.ИВАНОВА мутланен.

Шинчагў – хрусталик.

Шинчачора – роговица.

Шинчава – сетчатка.

Пўйым эмлынем



Эмлызын сомылжо моткоч кўлешан. Тудо енын таза-лыкше верч тургыжлана. Врачын кидыштыже – калыкын илышыже. Мыланем стоматологын пашаже онай. Тудо колымаш деч огеш утаре гынат, черле пўйым эмлен кертеш. Пўй корштымым чыташ куштылго огыл манын, ме чыланат раш палена. Йоча-влак стоматолог деч моткоч лўдыт. Мый икшыве-шамычын пўйыштым корштарыде эмлаш тўналам.

Александра СТЕПАНОВА.
Морко, Коркатово.

Пагалыме юнкорна-влак,
а те кө лияш шонеда?
Могай профессий чонланда
лишыл? Тидын нерген редакцийышке заметкым, почеламутым возен колтыза.

Палаш онай

Кенез тўрлө емыж-саскалан поян. Тушто могай гына витамин уке?! Ковышташте, кешырыште – А витамин. Тудо лум пенгыдемда, коваштылан, ўплан, пўйлан пайдале. Ужар пурсаште, паренгыште В1 витамин уло. Тудо вуйдорыкын, шўмын, чогашылын пашаштым вянда.



Вич ий эртымеке

Ме авам дене Москошко миенна. Тудо вич ий ончыгч биолог-лаборантлан ик лабораторийыште тыршен. Кок ияшем годым чўчкыдын паша верыштыже лийынам. Пипетке ден пробирке-влак дене модмем нерген авамын каласкалымыж гыч палем. Вич ий эртымеке, тиде лабораторийышке пурен ончалаш онайын чучын. Тылеч посна рўдолан тўрлө сылне верышкыже миен коштынна. Шуко фотом ыштенна. Снимкыште Йошкар площадь воктенысе ик паркыште улам.

Давид ТИМОФЕЕВ.
Волжск ола.



Фотом еш архив гыч налме.





*Пүртүсө поро ава гай:
ик емж-саскаж дене
сийлалтын
шуктет, тунамак
весымат тамлен ончаш
шуялта.*

М.ИЛИБАЕВА.

Карман курукышто

Марий кундемын сылне пүртүсшым еш дене ончен кошташ пеш йоратена. Ты гана Карман курыкыш миенна. Ярослав тукым шольбымат пырла налынна. Снимкыште коктын улына. Күзаш тўналме годым акам тўрлө кушкыл дене палдарен. Йошкар книгаш пуртымо икмынар пеледышымат ужынна.



Фотом еш архив гыч налме.

Куткышуэже мынар шуко?! Южыжо мыйын күкшыт лиеш ала-мо. Ошкылаш куштылгыжак огыл ыле гынат, Карман курыкын эн күкшака верышкыже күзен шуынна.

Артём ИВАНОВ.
Йошкар-Ола,
24-ше №-ан школ.



Шанче пөртүн унаже

**Волжск оласе лицейын
Выпускникше Вадим
Тарасов (снимкыште) пүртүс
коклаште лияш изинек йората.** Верысе Экологий рўдерыште шинчымашыжым келгемдымеке, шымлыме пашам, проектым возаш кумылангын.

«Живой мир» ушемым вуйлатыше М.В.Мичукова тўрлө канаш дене полшен. Вадим «ЭкоЛето», «Человек, природа, техника» республикысе конференциялаште, «Белая берёза» всероссийский конкурсышто да моло вере сеныше лийын. Экологий дене районысо олимпиадыште эре күкшө лектышым ончыктен. Чолга рвезе «Подрост» всероссийский конкурсун «Экология лесных растений» тагасыштыже икымше верым налын. Ямдылыме пашаже Волжск олаште кушшо да Йошкар книгаш пуртымо кушкыл-влак нерген лийын. Тыгайжым шым кушкылым вашлийын. Оласе калык нине кушкыл-влакын кушто куш-



Фотом еш архив гыч налме.

мыштым палыже манын, «Яндекс.Картыште» интерактивный картым ямдылен.

– Экологий – шанче пөрт, – ойла Вадим. – Тудым эре шымлыме, сайынрак пален налме шуэи. Сандене ончыкылык ылышемым ты шорын дене кылдаш кумылан улам. Озан оласе природопользований да экологий институтыш тунемаш пураш шонем.

Е.ИВАНОВА.

Аралена, тўзатена

Юрино посёлкысо школ пеленысе «Родничок» лесничествыште паша кенеж мучко шолеш. Йоча-влак пүртүсым аралыме, тудым тўзатыме шотышто шуко онайым пален налыныт.

Ангелина Мосунова: *«Чодыраште тулым кузе йортыман? Огнетушитель дене пашам ыштыме годым мом шотыш налман? Нине да моло йодышлан ваимутым муаш онай лийын. Пожар кўдырчө ден волгенчылан көра тўналлын кертеш. Тулым ужмеке, шокшо лийыш юватылде йыңгыртыман, кугыет-влак-лан увертарыман».*

Полина Немцева: *«Пушенгым куштымо паша куштылго огыл. Эн ончыч нōшмым погат, коштат. Вара ўдат. Изи пушенгевлакым, чодырашке наггаен, чын шындат. Кушкаш ятыр ий кўлеш, сандене чодырам аралыман».*

Е.ДОМРАЧЕВА.
Юрино посёлко.

Пайдале куэ

Мыйын йоратыме пушенгем – куэ. Тудо ош тувырым чийыше ўдырла коеш. Укшыжо лывырге-львырге. Куэн кажне ужашыже пайдале да кўлешан. Пу гыч чапле онам ыштат. Кумыж гыч сылне кўмыж-совла, йолчием, вуйчием, вургем шочыт. Шошым вўдшө могай тамле! Укшлажым тодыштат гын, чапле вынык лиеш. Мый мончаште куэ лышташ вўдым йўам. Тудын пайдаж нерген авам чўчкыдын ойла.

Алина СУББОТИНА.

2-шо №-ан Морко школ.

Куштымаште – калыкын чонжо

Йошкар-Оласе Патриарший площадьыште эртаралтше «Келшымаш кас» фольклор фестиваль түрлө күндем гыч толшо, түрлө ийготан марий-влакым ушен. Тушто йочашамычым ужаш поснак куанле ыле. Сценышке лекмекышт, ойыртегалтше вургемышт гыч Свердловск күндем гыч улмыштым вигак палышым.



Авторын фотожо.

Красноуфимск олаште илыше да 7–8-ше класслаште тунемше ўдыр-рвезе-влакым (снимкыште) «Джаз-импровиз» эстраде куштымаш студийыш Е.Г.Илюшкина чумырен.

– Студийышке 150 наре ўдыр-рвезе коштеш. Йошкар-Олашке латныл изи артистым веле конденам. Ме

руш, башкир, татар, одо, мордва калык-влакын куштымашыштым шындена. Мый икжеже марий улам, садлан ушышко трукышто тыгай шонымаш толын: молан марла огына кушто? Яллаште марий ансамбль ятыр уло. Молан олаште марла тавалташ огыл? Тений тиде



пашалан пижынна. Шукыштын ачаит але аваит марий улыт, садлан икшывышты верч йывыртеныт веле, – ойла Елена Геннадьевна.

Красноуфимск олаште шуко түрлө калык ила. Нунын тўвыраштым, йўлаштым, эртыме корныштым шымлаш куштымаш полша. Тидын нерген тўня мучко палышт манын, куштызо-влак тўнямбал конкурслашке ушнат. Могай гына олалашке, эллашке миен огытыл?! Италийыштат, Францийыштат кушташ пиал шыргыжалын.

– Ме тўрлө калыкын куштымашыжым ончыктена гын, студийлан ончыкыжым «Душа народа» лўмым пуынена. Нунын тўвыраштым веле огыл, чоныштым почын пуаш тыршена. Репертуарышкына марий калык куштымашым утларак да утларак пурташ тўжалына, – ойла ансамбль вуйлатыше.

Х.АЛЕКСАНДРОВА.

Поро ковай

Мунло, пеш ушан ковай
Сылне ялыште ила.
Кумыл тудын пуйто лай,
Тамле кочкыш ден сийла.

Кок тоя дене коштеш,
Чапле шовычым пидеш.
Чоным кумылан почаш,
Шер теммешке мутланаш.

Уныкажым йўрата,
Вуй гыч эплын ниялта.
Но пашалан туныкта:
– Чукаем кертеш, мошта!

Ульяна СЕМЁНОВА.

**Татарстан, Менделеевск,
Памашэгер.**

М Вўт(у)рем, тыкырек – изурем.

Сўрал ялна

Тымык эр. Уремышке лектым. Пием дене саламлалтым. Курык могырышко миен толаш кумыл трукышто ылыже. Кўзен шуымат, йырымваш тўслен ончалыым (снимкыште). Пўрт-влак модыш полат гай койыт. Шочмо школем пуйто мыйын ўмбақ ончен шыргыжеш. Тораштырак имне вўта шинчажым пўялеш. Вес могырыш савырнет – кугорно. Машина-влак ала-кушко вашкат. Тыгак ушкал ферме коеш. Кўтўчў-шамыч ушкалым пасушко лукташ ямдылалтыт. Трактор-влакат помыжалтыныт. Ялна могай сўрал!

Ксения АХМАДИШИНА.
Пошкырт, Мишкан, Ардаш.



Фотом еш архив гыч налме.



М Мутерым филологий шанче кандидат А.А.ИЛИЕВА ямдылаш полшен.

Фанатизм – сай «чер» але...




– Татьяна Олеговна, подростко-влак шкаланьшт кумирым молан кычалыт?

– Тиде ийготышто, ача-авам изиш ордыжеш коден, подростко-влак у йолташым, у шоньмашым кычалыт. Ёдыр-шамыч рвезым, рвезе-влак ёдырым шекланаш тўналыт. Чонышт у шижмашым йодеш. Келшыше йолташым огыт вашлий гын, кумирым муыт. Нуно «йоратыме да пагалыме енышт» гай кумдан палыме, ойырте-малтше лийнешт. Кумирла койын, пырля тунемше йолташышт ончылно шкеныштым эн моторла, эн талыла ончыктынешт.

– Йочан кумирже лекме нерген пален налке, ача-авалан мом ыштман?

– Тиде еным огыда пале гын, эн ончыч тудын нерген уверым кычалман. Интернет полшымо дене койыш-шоктышыжым, шоньмашыже-влакым шымлыман. Икшы-выланда кумирже мо дене келшымым рашемдыман. Тудын эн сай койыш-шоктышыжым веле шкаланже налже манын эскерман.

Кажне гаяк йочан, поснак подросткын, кумирже уло. Статистике почеш, шуко икшыве куд ий марте ача-аважым эн сайлан, эн талылан, эн моторлан шотла. Варарак супергерой, книгасе але мультфильмысе персонаж, эстраде шўдыр, актёр, спортсмен-влак дене кугешнаш да нунын гай лияш тыршаш тўналеш. Кумир семын чия, ўпым пўчкеш але чиялта... Эсогыл пырдыжышке тудын сўретшым пижыкта, смартфонсо але ноутбукысо экранышке чурыйжым шында. Тидын шотышто Калыклан психологий ден педагогике да социал полшыым пуышо «Доверие» республикысе рўдерын психолог-педагогшо Т.О.СОЛОВЬЁВА (снимкыште) дене кутырышна.



Мутлан, кумирын ушан, писе, лўддымў, ончыко каяш кумылан улмыжо, сылнын да яндарын мутланымыже йочалан кугу пример лийын кертыт. Тиде ен таза илыш-йўлам огеш кучо, осал койыш-шоктышан гын, подросткын вашталтмыжым шекланыман. «Кумиретын образше веле тыгай, а тыглай илышыште тудо сай айдеме» манын умылтарыман.

– Сай фанатизм «чер» кузе палдырна?

– Йоча кумдан палыме енын фотосўретше дене постерым пырдыжыш пижыкта. Тудын илышыжым соцкыллаште эскера. Фотом смартфон экранышкыже шында. Ача-авалан кумирын пашаже, сенгымашыж нерген жапын-жапын каласкала. Яра жапше улмо годым кумиржылан тўткышым ойыра.

– Тургыжланаш амалым мо луктеш?

– Ийготыш шудымо икшыве кумирже нерген кечыгут ойла да шона гын, ача-ава-влаклан тўткў лийман. Тыгодым йочан тунемаш кумылжо уке, урокыштат тиде ен ушышто пўрдеш. Серышым воза. Огеш вашеште гын, ойгыра, шортеш. Кумирже дене вашлийнеже. Ужаш йўн уке гын, ача-ава ўмбака кычкыра, кажне йодышлан тореш вашешта. Тыгай годым тургыжланаш амал уло. Йочан койыш-шоктышыжо уда могырышко вапталташ тўналеш гын, ача-ава-влак тыманмешке полшышаш улыт.

– Фанатизм мыняр ий марте шуйна?

– 17-18 ийым темымеке, ёдыр-рвезе-влак кумирштым шукуж годым эскерым чарнат да илышышт гыч йўршын ўштылыт. Тудын мурыжым колыштыт, фильмым ончат, но кумирлан серышым возаш огыт вашке.



Эльмир АНИСИМОВ
(У Торьял, Токтарсола):

– Мый телевизор дене футболым ончаш йоратем. «ЦСКА» командын сенгымашыже верч пеш тургыжланем. Капка орол Игорь Акинфеев – мыйын кумирем. Тудо патыр, лўддымў, писе.

Мыланемат футбол дене модаш келша. Игорь гай лияш манын, пашам кыртмен ыштем.

Анастасия МОЧАЛОВА
(Оршанке, Кугунур):

– Мый авалым кумирлан шотлем. Тудын деч примерым налам. Авал поро кумылан, пашаче. Эмлымверыште пашам ышта, калыкын тазалыкше верч тургыжлана. Тудым чыланат пагалат. Мыят ончыкыжым авал гай лийнем да калыклан пайдам кондынем.




Лаштыкым Х.АЛЕКСАНДРОВА ямдылен.
Фото-влакым еш архивла гыч налме.

Кенез кечын

Кече кўшычын онча,
Эр эрдене кынелта.
Йоча-шамыч йывырген
Куржыт, олыкыш вашкен.

Кече утыр ырыкта,
Йўштылаш каяш кўшта.
Вўдыш шукин пурена,
Мече дене модына.

Аня АНДРЕЕВА.
Кужэгер, Тошто Йўледўр.



Фотом
еш архив
гыч налме.

Шарныза: сайын ийын моштеда гынат, ача-ава але кугыен-влак деч посна вўд воктеке ида кай. Палыдыме верыш йўштылаш ида пуру. Тўткў лийза!



«Ямде лий» 2022 ий 5 август

Аня — шольыж-влак дене пырля.

Пайдале емыж

Арбузым кочмо жап лише-меш. Йоча-влак, те ты емыжым йўратеда? Мый гын пел арбузым шкетынак кочкын кертам. Тушто витаминже мыняр! А шокшо игечыште вўдым алмашта. Ме смузим, салатым ямдылена. Арбузым тельлан банкыш опат, маньт. Тыгай рецептым интерне-тыште кычалын муамат, акай дене пырля ыштен ончена.

Лиза КИТКАЕВА.
Шернур, Кукнур.

Морко район Коркатово лицей гыч возат.

Тўрлў койышан пагыт

Кенез пагыт шуко еглан келша, шонем. Сылне игече годым чонештылме шуэш. Но утыждене шокшо кумылым волта. Тыгай годым вўд гыч лекме ок шу. Вара игече уэш вашталтеш. Йўр толеш, юалгырак мардеж пуалеш. Коклан шолем мландым перкален кая. Кенез тўрлў койышан гынат, чонемлан лишыл.


Таня СУВорова.

Кенез — йўратыме пагытем. Игече кажне кечын куанда-ра. Тўрлў емыж-саска кушкеш. Тушеч тамле компотым, вареным шолтена. Кум тылзе канымынат кумылым нўлта. Тиде йочалан узьмак.

Камила ПЕТУХОВА.

Карвинг — пакчасаска Мастер кид

ден фруктым пўчкеды-ме сымыктыш. Мутлан, кабачок гыч мотор пеледышым пўчкын лукташ лиеш. Тудым сўрастараш кешыр полша. Ёдыр-рвезе-влак, теат ыштен ончыза.



А. Житковский
ПОСАДИТЬ ДЕРЕВО 12+
Шутка в одном действии
Рекламе.

25 августа 18:00
Театр Шкетана

Илян кече йўран — шыже нокчо лиеш.
Калык пале.



«Ямде лий» газет
Тўг редактор олмеш
Х.Г.АЛЕКСАНДРОВА.
Индекс: П4696.
Тираж 1550 экз. Заказ
Формат — А-4-8.

https://vk.com/yamde_lii
<https://ok.ru/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше: yamdelii.rf

УЧРЕДИТЕЛЬ-ВЛАК: Мари́й Эл Республикысе культу́р, печать да калык-влакын пашашт шотышто министерстве, «Кугарня» газет» кугыжаныш унитарный казна предприятий.

Газетым редакцийыште по-гымо да верстатлыме, «Мари́й Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Газетым Кыл, информационный технологий да массовый коммуникаций сферым эскериме шотышто федеральный службын Юл кундем федеральный округысо управленийыштыже регистрироватлыме.
Номер — ПИ № ТУ52-01335,
2021 ий 29 сентябрьыште пуымо.

0+

Печатьыш пуымо жап —
14-00,
фактически — 13-00

Авторын да редакцийын шонымашышт тўрлў лийын кертыт. Серыш-влак мўнгеш огыт колталт.
Ак — кутырен келшыме почеш.

Редакцийын да издательын адресше:
424006, Йошкар-Ола, СССР Вооружённый Вийын 70-ше идалькше урем, 20-шо пўрт.
Тел. 8(8362) 45-22-82(факс)

Конкурс



Егор СОЛОВЬЁВ.
Кужэгер, Саламатнур.



Александра СТЕПАНОВА.
Волжский, Упшер.

**Йулам арале –
түвырам
пойдаре**



Мария МАМАЕВА.
Кужэгер, Кугу Ререж.



Канде ден нарынче түс-влакым
варымеке, могай түс лектеш?
Чын, ужарге. Йоча-влак,
тиде чия дене сүрет-шамычым
чиялтыза.



**Ик шырпым верже дене ваш-
талтен, чын вашмутым ыштыза.**



**Эргын кидыштыже могай арвер
лийшаш? Кажне сүретым түткын
ончалза да чын ушыза.**



Тушто

Киддыме-
йолдымо, кушко
колтет,
тушко кая.

Вўдыш
чыкет – кола,
товар тош
дене перет –
ок коло.

**Сүретлен пытарыза
да чиялтыза.**



**Понгын, пакчасаскан, емыж-
саскан шочмо верыштым палыза
да стрелке дене ушыза.**

Газетнан 30-шо номерыштыже лек-
ше тушто-влаклан вашмут-шамыч:
1. Шудышырчык. 2. Кутко 3. Лыве.